

Preporuke Instituta alternativa u odnosu na Predlog Plana rada Agencije za sprječavanje korupcije za 2017. godinu

Preporuke se fokusirane na unaprjeđenje transparentnosti rada Agencije za sprječavanje korupcije.

5. PLAN AKTIVNOSTI AGENCIJE

#	Element	Opis
1	Cilj 1	Sprečavanje sukoba javnog i privatnog interesa u vršenju javnih funkcija
2	Indikatori performansi	- Broj Mišljenja Agencije o postojanju sukoba interesa; - Broj odluka Agencije o postojanju sukoba interesa. - Broj odluka organa vlasti koje su na osnovu odluka o sukobu interesa stavljene van snage

Preporuka IA: Agencija da sačinjava tabelarni prikaz sa **imenima i prezimenima javnih funkcionera** kod kojih je Agencija ispitivala postojanje sukoba privatnog i javnog interesa u vršenju javnih funkcija, sadržajem mišljenja/odluke Agencije (da li je ili ne funkcioner u sukobu interesa), ishod izdatog mišljenja/odluke Agencije (izuzeće javnog funkcionera/stavljanje van snage odluk organa vlasti koja je donijeta u sukobi interesa). Tabelarni prikaz objavljivati kao Aneks kvartalnim izvještajima o radu Agencije.

#	Element	Opis
1	Cilj 2	Poštovanje ograničenja u vršenju javnih funkcija
2	Indikatori performansi	- Broj odluka Agencije koje se odnose na ograničenja u vršenju javnih funkcija / na zahtjev stranke/ po službenoj dužnosti; - Broj podnijetih ostavki na osnovu odluka o nespojivosti funkcija - Broj zahtjeva / odluka za razrješenje, suspendovanje ili izricanje disciplinskih mjera - Broj ustupljenih predmeta nadležnom tužilaštvu;

Preporuka IA: Agencija da sačinjava tabelarni prikaz o utvrđenim nepravilnostima za javne funkcionere o ograničenjima u vršenju javnih funkcija (nespojivost funkcija) sa imenima i prezimenima javnih funkcionera, funkcijama koje su obavljali, izrečenom mjerom Agencije i ishodom po izrečenoj mjeri (da li je ili ne javni funkcioner kod kog je

institut alternativa

utvrđeno obavljanje nespojivih funkcija podnio ostavku). Tabelarni prikaz objavljivati kao Aneks kvartalnim izvještajima o radu Agencije.

#	Element	Opis
1	Cilj 4	Provjera izvještaja o imovini i prihodima javnih funkcionera
2	Indikatori performansi	- Čekiranje podnešenih izvještaja o prihodima i imovini javnih funkcionera i državnih službenika;
		- Verifikacija čekiranih izvještaja o prihodima i imovini koji se nakon toga prenose na sajt Agencije; - Broj izvršenih provjera podataka iz Izvještaja javnih funkcionera o prihodima i imovini - Broj odluka Agencije koje se odnose na izvještaje o imovini i prihodima javnih funkcionera Broj ustupljenih predmeta nadležnom tužilaštvu;

Preporuke IA:

- 1) Agencija da sačinjava tabelarni prikaz o utvrđenim nepravilnostima iz provjere izvještaja o prihodima i imovini, sa imenima i prezimenima javnih funkcionera i državnih službenika, vrstom utvrđene nepravilnosti i preduzetom mjerom Agencije (podnijet zahtjev za pokretanje prekršajnog postupka, mišljenje, odluka itd.) Tabelarni prikaz objavljivati kao Aneks kvartalnim izvještajima o radu Agencije.
- 2) Agencija da posebno objavljuje broj postupaka provjere izvještaja o prihodima i imovini u kojima je Agencija provjeravala **osnov sticanja** imovine javnih funkcionera i državnih službenika (tražila dodatna izjašnjenja i dokumentaciju od javnih funkcionera) kao i podatke o ishodu tih postupaka.
- 3) Agencija da na osnovu člana 39 Zakona o sprječavanju korupcije traži javnim funkcionerima i državnim službenicima saglasnost za objavljivanje odluka (na osnovu provjere izvještaja o prihodima i imovini) u kojima je utvrđeno da nisu prekršili Zakon. Agencija da objavi kojim je javnim funkcionerima i državnim službenicima tražila saglasnost kao i ishod tih zahtjeva - ko je od funkcionera i državnih službenika dao saglasnost za objavljivanje odluke, a ko nije.

- 4) Kao sastavni dio izvještaja o prihodima i imovini javnih funkcionera, Agencija da objavljuje kopije saglasnosti javnih funkcionera i državnih službenika za provjeru njihovih bankovnih računa (uz zaštitu ličnih podataka - JMBG, broj žiro računa).

Preporuka IA: U okviru cilja 7 **Jačanje integriteta u javnom sektoru donošenjem planova integriteta od strane organa vlasti i izvještavanje o njihovom sprovođenju**, aktivnosti 5) Prikupljanje planova integriteta i aktivnosti 6) Prikupljanje izvještaja o sprovođenju plana integriteta, dodati:

- Prikupljanje i **objavljivanje** planova integriteta na Internet stranici Agencije, u okviru sekcije Integritet
- Prikupljanje i **objavljivanje** izvještaja o sprovođenju plana integriteta, u okviru sekcije Integritet

Preporuka IA: Predvidjeti kao posebnu aktivnost u dijelu zaštite zviždača **rad na pripremama za izmjenu Zakona o sprječavanju korupcije u dijelu zaštite zviždača.**

Preporuka IA: Predvidjeti kao posebnu aktivnost u dijelu kontrole finansiranja političkih subjekata i izbornih kampanja **rad na pripremama za izmjenu Zakona o finansiranju političkih subjekata i izbornih kampanja.**